

釋智光者、河內國人、其安宿郡鋤田寺之沙門也、俗姓鋤田連、後改姓上村主也、母氏、飛鳥部造也。

〔續日本紀三十八〕延曆四年三月甲寅、正六位上春原連田使、從七位下真木山等、改春原連為高村忌

寸、

〔續日本紀四十〕延曆八年六月庚辰、甲斐國山梨郡人外正八位下要部上麻呂等、改本姓為田井、古爾

等為玉井、鞠部等為大井、解禮等為中井、並以其情願也、

〔文德實錄二〕嘉祥三年十一月己卯、從四位下治部大輔興世朝臣書主卒、書主右京人也、本姓吉田連、

其先出自百濟、○中承和四年上請、改姓為興世朝臣、

〔文德實錄三〕仁壽元年六月庚午、攝津權介從五位下善友朝臣穎主卒、○中穎主元姓佐夜部首、後改

為善友朝臣、

〔文德實錄四〕仁壽二年五月戊子、主計頭從五位下都宿禰貞繼卒、貞繼大和介外從五位下桑原公秋

成子也、弘仁十三年、與兄正五位下文章博士腹赤共上請、改姓都宿禰、

〔文德實錄六〕齊衡元年十二月庚辰、左衛門少尉從六位上雀部朝臣春枝、散位正六位上林朝臣並人

等、改姓紀朝臣、

〔文德實錄七〕齊衡二年八月辛卯、散位從五位下○本書此歲正月戊子條、從上有外字、村主○村主上一宮雄右大史正

六位上河原連貞雄等、改姓廣階宿禰、

〔文德實錄七〕齊衡二年八月癸巳、式部卿仲野親王家令正七位下字自可臣武雄、改姓笠朝臣、丁酉、

中務卿時康親王家令從六位下忍海上連淨永、改姓朝野宿禰、

〔三代實錄五〕貞觀三年九月廿四日乙未、正五位上行刑部大輔豐階真人安人卒、安人者、元河內國

大縣郡人、後為左京人也、本姓河侯公、延曆十九年、河侯公御影、改姓豐階公、○中仁壽二年、安人上疏

言、安人貫河內國、未除公字、伏請移籍京華、亦為真人、於是詔賜姓真人、貫於京地、